

us portabas eos : sed velut vindex , eos sæpissimè affligebas , & occidebas. Responder Dominus. immò verò hac ratione curabam eos scilicet oues morbidas ex ouili reijciens. vt curatur Respublica , cùm puniuntur & occiduntur iniqui. ac ideò prostrauimus omnes Israelitas Idololatriæ assuefactos in Aegypto. vt qui ingrediebantur in terrā promissionis, sani ab hoc morbo ingrederentur.

¶ 6. Beneficium fuit, quod Deus dederit Israeli leges, & rationabilissimas, & magni amoris plenas. Ideò enim leges illæ, à Moyse promulgatæ, dictæ sunt vincula Adam. idest, vincula rationabilia, quibus populus, velut vinculis cohiberetur, ne malum admitteret, & vbi rationem inueniret, quæ eius intellectū euinceret. Eadem leges vocantur vincula charitatis. quibus scilicet populus in charitate erga Deum & proximos retineatur.

¶ Tu lector nota, leges esse funes, & vincula. iuxta illud iniquorum. disrumpamus vincula eorum, proijciamus iugum ipsorum. Nota. 2. leges debere esse rationabiles. s. rationi conformes. ideò vocantur funiculi Adam, seu funiculi humani. Nota 3. quis debeat esse legum finis, scilicet charitas in Deum, & proximum. Nota 4. omnes leges Moyse suas habere rationes (licet aliquando obscuriores) alioqui non fuissent leges Adam. Constat^o est Philo, & Rabi Moyse Aegyptius, has rationes in lucem proferre. conatus est & Thomas in 1. 2. ¶ 7. beneficium, Ero eis, quasi exaltans. futurum est pro præterito, exaltavi, inquit,

Psal. 2.

Philo.

& Moses.

D. Thomas.